

اِسْتِغْنَا

نومرو ۱۵

بجانبہ

۱۸ کانون اول ۱۳۲۴

قانون اساسینک بوکونکی شکلتدن و جریان حالدن بشقه درلو، مطالعات استخراج و حاصل ایده میورم. اکلا یاشم طوغری ایسه صورارم : بویله می اولمالی؟ کله جک مقاله مده اعیانک معاشرلرندن دخی بحث ایده جکم .

۱۳ کانون اول

ابن الضیا

احمد رشید

انکلتزه و فرانسه پارلمنتولری

- ۱ -

خارجاً بتون هیأت تشریعیه ازجوق یکدیگرینه بکزرلر . برکرسینک بالای تماشاسندن آلمانیانک رایخشتاغنی، انکلتزمک عوام قاره سفی، ایتالیانک ملت مجلسی ویا فرانسه نک مجلس مبعوثاتی مشمول لحاظه تدقیق ایدن آدم اوزرنده بو مجالس محشمه نک حاصل ایده جکی تأثیرات اولدقجه یک مأل ویک آهنگدر .

اگر بوتما شا کر ظاهر حالک شو تأثیرات صوریه سنه بنای فکر وقرار ایده جک اولورسه حکم ایدرله ممالک مختلفه مبعوثه نک شکل حکومتی حس اولونور درجدهده یکدیگری نک عینیدر . وجهه سی تقریباً عینی اصول انتخابیه و تویلیه یی تطبیق ایدیورلر؛ آره لرنده کی باشلیجه فرق ایسه آنجق فرق مختلفه نک نسب متفاوته سندهدر .

«باستیه نک دیدیکی کبی «کورولن شی» ایشته بودر، فقط برده «کوروله مین شی» وارد واصل اهمیت بوکوروله مین شیئی کورمکدهدر . مجالس مبعوثه نک اجتماعات مهیه سنده حدقه بصر اوزرنده انطباعات مادیه حصوله کتیرمه دیکی اینجون «کوروله مین شی» مبعوثان ملتک منسوب اولدینی صنوف اجتماعیه ایله مسالک مختلفه اربابنک پارلمنتوده کی نسبت اشترا کیدر .

حال بونکه بوجهت برچوق قضایای مهمه نك روحنی تشکیل ایدر .
 انسان اجرا ایندیکی صنعتدن ، سالك اولدینی مسلكدن برطاقم افكار
 وقابلیات مخصوصه ا کتساب ایدر ؛ ماهیات اشیایه قارشی برطرز خصوصی
 تلقی ایدینیر .

چفتچی ، صنعتکار ، تاجر ، طیب ، آووقات ، عسکر ، مأمور بشقه
 بشقه تشکلات فکریه کسب ایدر لر . جمله سی اشیای عینی نظرله کورمز لر .
 هر برینك علاقه دار و محافظه کار اولدقلری منافع بردکدر . دیگر جهتدن معاملات
 اجتماعیه نك امر جریانده بومنافعك کافه سی عینی درجه اهمیت حاز و عینی مقصد
 وغایته متوجه اولمایوب بالعکس چونك وجوه احکام و تأثیراتی آره سنده اختلاف
 و تفاوت ، حتی تضاد و تباین بولونه بیلیر .

بونك نتیجه سی اوله رق مبعوثان ملتی تشکیل ایدن عناصر هر مملكتك
 حال اجتماعیه سنه و او مملكتده فلان ویا فلان مسلكك ده ا زیاده مظهر رغبت
 و اعتبار و حاز رواج و اقتدار اولماسنه كوره واسع نسبتلر تحتده تخلف ایده بیلیر .
 ینه بونك نتیجه سی اوله رق برملت مجلسنده فلان ویا فلان مسلك اربابنك
 مالك اولدینی حکم و اکثرینه نظرأ او مجلسك مسلكی ، صورت تفکری ، طرز
 حرکتی تبدل ایدر . شمعی فرانسه مجلس مبعوثانی ترکیب ایدن عناصر مختلفه بی
 تدقیق و تحلیل ایله قاعده مبسوطه بی مجلس مذکوره تطبیق ایدلم :

اول باول شورانی سویله مه لی یم که بو آله قدر هیچ کیمسه عناصر مبعوثه بی
 اصول وقاعده تحتده تصنیف ایتمکی دوشونمه دیکندن بونحلیله اولدجه مشکلات
 ایله ، خیلی مساعی نتیجه سنده ظفر یاب اوله بیلدم .

تصنیف مسالکه موفق اوله بیلیمك ایچون مبعوثانك تراجم احوالی برر
 برر تدقیقه و باشلیجه ماهیت حاکمه لرینی تعیننه مجبوریت کورددم .


توصیف روجہ آیدر :

مسالك	س	ن	ج	ب	اجال
اراضی مزروعہ اجماعی	۸	۱۷	۲۲	۷۲	۷۲ — زراعت
زراعت	۱۳	۳۷	۵۰		
ارباب صنایع	۲۷	۱۴	۴۱	۴۱	۴۱ — صنایع
تجارت	۱۴	۳	۱۷	۲۲	۲۲ — تجارت
بانکرلر	۲	۳	۵		
دارالفنون اعضاسی	۱۲	۳	۱۲	۱۲	مسالك نظريه — ۲۷۰
اطبا	۴۷	۳	۵۰	۵۳	
اجزاجیلر	۳	۳	۳		
مهندسين ملكيه	۵	۲	۷	۷	
غزیه جیلر	۵۴	۵	۵۹	۵۹	
حقوق معلماری	۵	۱	۶		
مقاولات محررلری	۱۴	۳	۱۷	۱۳۹	
وکیللر	۹	۳	۹		
آوقاقلر	۸۱	۲۶	۱۰۷		
رهبان	۱	۱	۲	۲	۲ — رهبان
بری ضابطان	۱	۲	۳	۶	۶ — عسکر
بحری ضابطان	۱	۳	۳		
حکام	۱۲	۱۱	۲۳	۹۵	۹۵ — مأمورین
مأمورین اداره	۳۹	۳۳	۷۲		
بلا مسلك وصنعت	۲۲	۲۱	۴۳	۴۳	۴۳ — بلا مسلك

شو جدوله کی ارقامی غرافیق اصولیه شکلاً تصویر واره ایدرسه ک
هر مسلك اصحابك مجلسه نسبت اشتراكی ده ائی، ده ا واضح و آشکار اوله رق
تظاهر ایدر .


برنجی لوحه

(فرانسه مجلس مبعوثانك صورت تشكلی)



ایکنجی لوحه

(انکلتزه عوام قماره سنك صورت تشكلی)



بولوحه لرده یوقاریدن آشاغی برطاقم نقطه لی خطوط واردر که بونلرده کی ارقام
عدد مبعوثانی ارانه ایدر .

برنجی لوحه یه عطف نظر ایدلدیکی زمان الك اول کوزه چاریان شی مسالك

مقیده مختلفه پندنده کی عظیم نسبت سزایکدن متولد عدم تناسب وانظامدر .
 آدن سوکره جالب دقت اولان جهت ايسه زراعت ، صنعت ، تجارت کی
 مسالك عملیه اربابنك فرانسه مجلس مبعوثاننه قلت اشتراکی وبالعکس مسالك
 نظریه اصحابیله مأمورین حکومتک اکثریت مبعوثانی تشکیل ایتمه سیدر .
 بولوحه مسالك مختلفه اربابنك انکاتره مجلس ملیسنده کی نسب اشتراکی
 مصور اولان ایکنجی لوحه ایله مقایسه ایدیلیر ايسه کیفیت پیش نظر اهمیتده
 برقات دها تبارز ایدر . هله انکلیز لک لوردلر قارده سنده بولان اعیانک همان
 منحصرأ اراضی جسیمه مزروعه اصحابندن مرکب اولدقلری دوشونولورسه
 انکاتره ده ارباب زراعتک مجلس ملی به اشتراکری بولوحه ده کورولن نسبتک ده
 فوقنده اولدینی آکلاشیلیر .

یشته انظار قارئنه عرض ایله دیکمز ایکی لوحه فرانسه وانکاتره مجالس
 مبعوثاننده مسالك متنوعه اصحابنك نسبت اشتراکی عمومی بر نظرله کوستریور .
 شمیدی ده مسالك مذکوره دن هر برینی آری آری تدقیق ایدم :
 (دوام اولنه جقدر)

اجرا قانون موقتی حقنده کی مطالعات

چنکی مقاله مزده اجرا قانوننك بعض احکامی حقنده بسط و تمهید اولمش
 دین اینچون حبس کیفیتنك یکده موافق معدلت اوله میه جنی یولنده سرد افکار
 ایدلش ایدی . بودفعه ده قانون مذکورک احکام سائر سه دار مطالعات قاصرانه مک
 مختصرأ سرد و بیاننه ایستدار اولنور . شوبله که قوانین موجوده مزاینچنده ک زیاده
 اهمیت شایان بر قانون ده اجرا قانونیدر دینیله بیلور زیرا اجرا مسئله سی ثمره
 عدالت ، متمم معدلتدر اجرایه مظهر اوله میسان بر اعلام نه درجه حق وعدله
 مقرون اولسه بر فائده نی انتاج ایتمز بر مغدور انجق الزده کی اعلامک اجرا سیله
 نائل عدالت اوله بیلور الیوم مرعی الاجرا اولان قانون اجرا بر قانون موقددر
 مجلس مبعوثاننك تصدیقه اقتران ایدر ايسه بایدار اوله جق ایتمز ايسه دوچار